

DE VARIIS IN PERINÆO FISTULIS.
 T H E S E S
 ANATOMICÆ ET CHIRURGICÆ


*Quas, DEO JUVANTE, & Præside M. JOANNE-
 CLAUDIO MERTRUD, Artium & Chirurgiæ
 Magistro, Regiæque Chirurgorum Academiae Socio, tueri
 conabitur PETRUS-MICHAEL ALLOUEL, Parisinus,
 in almâ Universitate Parisiensi, Artium Liberalium Magister.*

P A R I S I I S.

IN REGIIS CHIRURGORUM SCHOLIS;

*Die Veneris 8 Julii, à sesqui secundâ post meridiem ad septimam.
 Anno R. S. H. 1763.*

PRO ACTU PUBLICO
 ET
 MAGISTERII LAUREA.



Typis P. A. L. LE PRIEUR, Regii Chirurg. Collegii
 Typographi.

M. DCC. LXIII.



DE VARIIS INFERIUS RISTULIS

T H E S E S

ANATOMICA ET CHIRURGICA

Quas, Dno JOHANNI, & Preside M. JOHANNI-
CLAUDIO MERTUD, Amino & Chirurgie
Magistro, Regioe Chirurgorum Academiæ Socio, licenti
concordat P. R. U. S. MICHAEL ALDOVER, Parisius,
in alio Chirurgorum Parisiensi, & in alio Chirurgorum Magistro.

P A R I S I I S

IN REGIS CHIRURGICORUM SCHOLIS;

Die Veneris 8 Julij, 1763, & festis Jacobi post octavam ad septimum.
anno R. S. H. 1763.

PRO ACTU PUBLICO


ET

MAGISTERII LAUREÆ



Typis P. AL. LE PRIEUR, Regii Chirurg. Collegii
Typographi.

M. DCC. LXXIII



D. O. M.

THESES

ANATOMICÆ ET CHIRURGICÆ.



ERINÆUM, ut Corporis humani partes cæteræ, ab innumerâ morborum serie vexari quis dubitabit, si prudens artis, intelligat quot & quàm graves, in illo, celebrentur operationes? quis enim alius urinæ, contra naturam, in laborante vesicâ latentis, exitus? (1) Quæ alia, pro calculo foras educendo, via? A vario apostematum, calculorum (2), in textu cellulari nidulantium, diversoque Syphilidis symptomatum genere, quid illi non sit metuendum, nemo non noverit. Scyllam hanc cavebit audacior & rei Chirurgicæ rudis manus, quæ, vel audierit, raram mentem intelligere quod in interiore later

(1) D. Flurant Lugdunensis, aliam urinæ educendæ viam proposuit, scilicet per inductam, ab intestino recto, in vesicam acum triquetram cujus icones reperiuntur, libro Domini Pouteau, cui titulus: *Mélanges de Chirurgie*.

(2) Clariss. Louis act. Chirurg. Acad. Tom. III.

A

4

angulo: si enim partes, in Lithotomiâ, aut dilacerationes passæ fuerint, aut damnosa instrumentorum farrago, moras, in illis, fecerit longiores; si, vanâ brevitatis jactantiâ delusus operator, mendacem ad cicatricem pervenerit; quot decipiuntur crudelitatis victimæ, in Corvum olorem mutari Lugentes! hinc frequentiores, in Perinæo, fastidii plenæ omnes, Fistulæ, quas, præmissis quibusdam Anatomicis, debellare tentabimus.

INTER anum & partes generationi dicatas, deprehenditur, in viro, spatium quoddam fere triangulare Perinæi nomine: ab utroque Ischii tubere laterales habere limites, ab ano ad ossium pubis arcum, lineâ saliente, proferri videtur.

ISDEM, quibus cæteræ Corporis partes, integumentis; Perinæum obvolvi gaudet: cellulari textu, adipe, musculis, diversique generis vasis instrui constat: substantiæ tenuis, laxæ maximâque elasticitate donata cutis; cellulare reticulum; largum, tendinosum, communicantibus inter se, parcâ pinguedine, cellulis, componitur.

SEX in Perinæo reperiuntur musculi generationis dicati partibus: Priores duo, ischio-cavernosi, seu erectores, utriusque tuberis ischii, faciei affixi, lato tendine, corpora cavernosa obtegunt & illorum inferuntur connexioni: horum contractione mutuâ, fit erectio penis.

Acceleratores alii, seu bulbo-cavernosi ad urethram spectant; musculum efficientes penniformem, partim ab ani sphincteribus, partim ab ossium pubis synchondrosi oriuntur, corporibus cavernosis bulboque, cujus spongiosam & inferiorem ambiunt partem, inferuntur: horum actio urethram comprimit, ita ut, in coitu, præceps semen erumpat.

TRANSVERSI tandem, seu triangulares musculi, ex Ischii internâ rami faciei orti, ad urethram pergunt, quam, ab utroque latere, amplectuntur mutuâque distendunt contractione.

QUATUOR, insuper, annumerat, quos in prostaticos superiores & inferiores dividit Clariss. Winslow (1) Prostatici superiores,

(1) Exposit. anat. de part. Gener. pag. 572.

5

ex offium pubis, ramorum internâ facie, inferiores verò, ex ischii cum offe pubis unione, feruntur ad prostatas quas, hi superius, inferius illi, obvelant.

CORPORA cavernosa sunt illæ partes cylindricæ, spongiosæ, quæ, utrique offium pubis Ramo alligatæ, è peculiaribus thalamis (1) in unum jugatæ, penem pro maximâ parte constituunt, & ad glandem, cui inferuntur, desinunt.

URETHRA canalis est membranaceo-tendineus, ferè cylindricus, vesicæ continuus collo, urinæ nec non semini præbens exitum, in sulco, inter corpora cavernosa, situs, cum his mutuo conatu, parique progressu, ad glandis usquè orificium protendit, calami scriptorii diametrum non malè referens: duplici conflatur membranâ, exteriori aliâ, alterâ interiori, quas inter, substantia spongiosa, sive cellulosa, extenditur. Exterior rara, tenuis, subtilis, & à textu cellulari vix differens, interna verò, densa, strictior.

BULBUS, sive urethræ protuberantia, pars est quæ prostatæ glandulæ proxima, pollice, ut plurimum, longa, minorem quodammodò cepam refert; variis intùs ditatur foraminulis, quibus liquor viscidus mucosusque, urethram lubricans, eructatur, contrâ urinæ acrimoniam, præsidium non inutile.

VERUMONTANUM caruncula quædam est, in urethræ parte, quam ambiunt prostatæ, conspicua, caput gallinaginis, à quibusdam, nuncupata (2).

PROSTATE (rectius prostatam dixeris) corpus unicum, globosum, cordiforme, bulbum inter & vesicam, urethræ principium cingit (3) hujus extremum duplex; anterius apex, posterius verò basis dicitur.

IN prædicto urethræ principio, eminentia quædam surgit, duobus gaudens osculis, quibus liberum, inter ductus ejaculatorios seminalesque vesiculas commercium instituitur: proximè

(1) Santorin, pag. 88.

(2) Heister. Compend. anat. de part. gener. viror.

(3) Cheselden. de Lithot. tab. VI.

adsunt canales prostatae excretorii; albicantem; in urethram; quo leniri possit, liquorem effundentes.

ANTIPROSTATÆ sunt illæ glandulæ, propè bulbum, in urethra textus spongiosi lateribus sitæ; tertiam posterius describit Clariss. Winslow (1).

VESICULÆ seminales receptacula sunt duo, membranacea; cellulosa, pyramidem, aut tritici Spicam, similitudine ludentia; album hæc referunt colorem, tres ut plurimum digitos, robustis, in longitudinem prolata; horum obliqua, rectum inter intestinum & inferiorem vesicæ partem, positio, ita tamen, ut ad laterales vesicæ partes versus ipsius fundum basis emergere, apex verò ad collum pronus tendere videatur. E membranâ, tendineis quibusdam & elasticis fibris munitâ, variè, varias inter se communicantes cellulas efformante, constant vesiculæ Seminales; has undiquè cingit peritonæum; ex utràquè vesiculâ, duplici sæpius orificio, in urethram desinens ductus nascitur excretorius; è vasis deferentibus semen accipiunt, perficiunt acceptum, expellunt deniquè, si, moræ impatiens, luxuriatur ut erumpat.

PRÆDICTARUM partium vasa sunt arteriæ, venæ, nervi, & vasa limphatica: arteriæ ab iliæ internis seu hypogastricis, pudendis, veniunt & cruralibus; reducem in hypogastricas & crurales ferunt sanguinem venæ. Nervi à sacris & lumbaribus; in glandulas inguinum & pelvis, limpham vehunt vasa limphatica.

ULCUS Callosum, Sinuosum, ab angusto cavum, ut in aliis partibus sic in Perinæo, Fistula audit, in completam, incompletam, simplicem & complexam, dividi solita.

SIMPLEX, unico, sive intus, sive extus, stipata foramine; unicam, tuto itinere, indicationem ad curam exhibet.

COMPLEXA pluribus instructa Mæandris, ab urethra, vicinas in partes, putà, Scrotum (2), prostates (3), vesicam (4), anum,

(1) Exposit. anat. de part. gener.

(2) D. Petit. in act. reg. Chirurg. Acad. Tom. I. pag. 619.

(3) D. Plater. Obs. Chirurg. Lib. II. Obs. XXXIII.

(4) Clar. Ledran oper. chirurg. pag. 343, & seq.

inguina (1); imò & abdomen latius atquè altius serpit; & divagando, periculosos multiplicesque fodit sinus.

COMPLETA utrinquè patens, urethram simul & cutem rimatur, incompleta, aut urethram duntaxat, illasâ cute, & cæca interna, aut cutem afficit, salvâ urethrâ, tùm cæca externa dicitur.

ANGUSTIOR; in Lithotomiâ, tegumentorum sectio, ex quâ scroti vicinarumque partium ingurgitatio periculosa, (timidæ aut malè paventis manûs operatio) turundæ vel tubuli, longior usus, vel horum in vulnere mora, aut deligationis, (quod pejùs est) damnosa proscriptio (2), urethræ, aut ipsius vesicæ laceratio gravior, Stillantem inter urinam, Corrodens arenosa suppellex (3), incautè curata perinæi aut vesicæ punctura, Ictus, Lapsus, Syphilidis Lues, infaustaquè varii generis symptomata &c, totidem hæc, in Perinæo, fistularum causas habeto, pro diverso corporis habitu, plus minusvè pertimescendas.

VISU, tactu, specillo & excretionem ut plurimum, dignoscitur Perinæi fistula: foraminis in cute aut urethrâ callositas, parva, primo pede, mox extensa cavitas, tumoris socia fluctuatio digitum monens, comes inflammatio ægrotanti noxia, guttatim hinc stillans, pure vel sanie permixta, aut retenta diutius urina aliaque id genus, signa, sagaci oculo, fistulam exhibent.

LÆSA de parte, causis, accidentibus, ac diathesi prognosis educenda: si externo ab ulcere, ictu, lapsu, sano in homine, fistula devenerit, prognosis insurgit nihil secum offerens periculi; molestior verò, si, erosæ ab urethræ defectu pendeat. Si à dilacerationibus nimis urethræ aut vesicæ, in Lithotomiâ, vel turundis tubulivè, in ipsius curatione, nimium diù servatis, infausta; molestissima tandem & periculosissima, si, multiplices

(1) Marchettis; Obs. LXI. pag. 256.

(2) Hæc fuit anno 1698, Fratris Jacobi gallicè, *Frere Jacques*, methodus; & si quis ei deligationis necessitatem suadere volebat, hoc erat responsum: *je lui ai tiré la Pierre, Dieu le guerira*. Contra hanc methodum graviter insurgunt DD. Dionis oper. chir. de lithot. ed. V. p. 243. Heister instit. Chir. Tom. II. pag. 907. Ex eo quòd fistulis, & gravioribus accidentibus locum Det.

(3) Clariss. Louis in act. jam citatis.

in sinus divisa, ad interiora se extendat, partesque tum molles, tum osseas, corrodendo, perlustret: in prostaticis simul schirrum adesse fingamus: non curabitur nisi prius sanesciat prostatica, quod difficillime accidit.

QUANTUM ad curam spectat, varia practico- rum sententia: illi causticis instrumentum (1) instrumento illi caustica (2) præponunt; satius verò credimus esse, pro vario fistularum genere, diversam induci therapeiam. Et enim si fistula simplex & externa, nullique sauciata veneno, sublato, causticorum ope, callo, arcæi aut nativum juvabit balsamum admove- re, & tunc ad cicatricem liberè eundum.

Si simplex & interna, cereolis primùm emollientibus, deinde suppurantibus, deterfivis demùm & exsiccantibus medicaminibus obvolutis, opus est ad curam.

DENIQUE: si complexa utrinquè pateat, si varios in sinus abie- rit, partes intus, furens, dilaceret, dura corrodât, citus ad ope- rationem propera: tumque ægro in lecti margine, aut sub- sellio, quali in calculi curatione utimur, posito; immisso in vesicam cavo Cathetere; sinus evolvere, indurata fistulæ latera citò tu- tòque excindere; ossibus demùm, si caries urgeat, ferrum, immò candens intromittere ne dubites. Mox ulceri sanioso succedet cruentum vulnus, pro artis legibus deligandum, & per adhibita suppurantia, mundantia & exsiccantia medicamina, ad constan- tem solidamque cicatricem conducendum.

Si venereæ luis, Scorbuti, Strumarum, aliùsvè cujuscum- que morbi comes sit fistula, adhibitis, in quantum fas erit, cuiquè morbo, specificis, prædictam sufficere therapeiam con- fidenter asserimus.

(1) Marchettis, Obs. Chirurg. Obs. LXI. Plater. lib. II. obs. XXXVII.
D. Heister. instit. Chir. de Perinæi fist. T. II. pag. 248.

D. Petit. in act. reg. Chir. Acad. pag. 620.

D. Ledran. oper. Chir. de Perinæi fist. pag. 365.

(2) Toletus. tract. de Lithot. pag. 318.

Pye. Obs. Lithot. de fistula Perinæi. pag. 18.

Douglas. in hist. later. operat. appar. pag. 19.

